

ethTRICICLE



ETH PRINCE HARRY E MEGHAN MARKLE SE MARIDEN



Vos pensatz qu'és princes e princesses non existissen? Donques hè uns dies se celebrèc un maridatge de conde en Anglatèrra. Periodistes de tot eth mon sigueren pendents deth maridatge deth prince Harry damb Meghan Markle. Era ei ua actora nòrd-americana coneishuda per sèries de television e per pellicules, mès a anonciat que non actuarà mès.



▲ Harry e Meghan dempús deth maridatge
Foto AP

Eth maridatge auec totes es caracteristiques des ligams reiaus. Se celebrèc en ua capèla espectaculara, damb mès de dus mil convidadi vestidi damb fòrça elegància. Eth dinar se hec en castèth de Windsor. En acabar era ceremònia, era parelha hec ua passejada en coche de shivaus tà saludar ara gent que les volie veir.

Eth maridatge siguec entorat d'un gran luxe. Non i manquèren es jòies, es flors, es guardes vestidi de gala e un repèish deliciós. Tanpòc non i manquèren es convidats famosi, coma jogadors de tèn timer, presentadors, futbolistes, cantaires e actors.



Quina ei era profession de Meghan Markle? | Com siguec eth maridatge deth prince Harry e Meghan Markle? | Qué n'òpines, d'aquesti maridatges damb tant de luxe?

ligam: maridatge.

luxe: riquesa, conjunt de causes que còsten fòrça sòs.

repèish: dinar o sopar de celebracion, banquet.



ACCIDENT D'AVION EN CUBA

Er aparelh s'esclafèc pòc dempús d'enlairar-se



Un avion damb un centeat de passatgèrs a queigut just dempús d'enlairar-se en aeroport dera Havana, era capitala de Cuba. Eth vòl se dirigie tà Holguín, ua ciutat toristica deth país. Segontes hònts oficiaus, sonque i a agut dus subervivents, dues hemnes, qu'an transportat tar espitalu. Encara se trafen en estat critic pera gravetat des herides.

Era identificacion des victimas resulte complicada pr'amor qu'és rèstes der avion an quedat fòrça dispersades e es expèrts non se pòden guidar peth nombre de lòcs qu'auie assignat cada passatgèr. I trabalhen mètg es forenses e expèrts en anatomia patologica e tanatologia. Ua ajuda entà identificar es còssi ei, per exemple, era informacion sus es dentadures o cicatritz es des defunts.

Encara non se saben es causes der accident. Se cre qu'er aparelh auec un problèma pendent era fasa d'enlairament, era mès perilhosa des trajèctes damb avion. Quauqui testimònis vederen coma s'enlairaue e de còp queiguie coma se s'auessen amortat es motors. Hè pòqui dies s'a trobat era prumèra caisha nera der avion en bon estat. Aquesta trobalha ajudarà a determinar qué passèc reaument.



Com a passat er accident d'avion en Cuba? | Perqué còste identificar es còssi? | Cres que s'aurien de hèr publiques es imatges d'un accident coma aquest? Perqué?

critic: fòrça grèu.

mètge forense: mètge especialista en cassi que s'investiguen enes jutjats.

anatomia patologica: part dera medecina qu'analis es organs.

tanatologia: conjunt de coneishements restacadi damb era mòrt.

caisha nera: aparelh qu'enregistre es dades d'un vòl tà que ne demore constància en cas d'acci dent.



VOCABULARI

musulman: que seguís era religion islamica.

dejoar: non préner aliments o prener-ne ben pòqui pendent un periòde de temps.

Coran: libre sagrat des musulmans.



COMENCE ETH RAMADAN

Ei ua tradicion religiosa musulmana en qué se dejoin peth dia

Ja a començat eth mes deth ramadan, eth nauau mes deth calendari musulman. Segontes era tradicion, Alà recitèc es prumères paraules d'Eth Coran a Mahoma en aguest mes, e per açò pendent eth ramadan es musulmans prèguen mès. Ei ua epòca de celebracion, coma Nadau entàs crestians.

En aguesta celebracion, que dure tot eth mes, es musulmans dejoin des de que ges eth solei enquia que se hè de net. Açò òc, sonque dejoin es persones qu'ac pòden hèr sense problèms entara salut. Per aquerò, es mainatges, es hemnes embarrassades e es malauts, per exemple, non dejoin. Quan se hè de net, ja se pòt minjar, e soent se celèbre damb repèishi alègres en familha o damb amics e vesins.



▲ Minjar premanit tath vrèspe

En Catalonha i a miei milion de musulmans e molti celèbren eth ramadan. Ath delà, cada còp i a mès comunitats musulmanes qu'organizen repèishi ath ser a on conviden a toti es vesins, tà daurir aguesta hèsta a toti, sigue credent o non. N'ei un bon exemple eth sopar comunitari que se harà eth dia 7 de junh ena rambla deth Raval de Barcelona.



Qué ei eth ramadan? | Quines persones, segontes era tradicion, pòden non hèr eth dejun? | Penses qu'es sopars d'afraiment en ramadan son ua bona idea? Perqué?

ara deriva: sense direccion, emportat peth vent o era corrent.

infrauman: indigne, terrible, bric adaptat tà ua persona.

sensor termic: aparelh que detècte diferéncias ena temperatura.



DRÒNS TÀS RESCATS ENA MEDITERRANÈA

Proactiva Open utilizarà dròns entà localizar abans es barques


Era ONG Proactiva Open Arms trebalhe tostemps ena Mediterranèa tà rescatar personas que hugen dera misèria e era guèrra. Es vaishèths de Proactiva navèguen cercant embarcacions fragiles ara deriva damb centeats de personas que trauèssen era mar laguens de condicions infraumanes. Es sòns rescats an sauvat milèrs de personas de morir estofades.

Ara, Hemav, ua empresa catalana de dròns, a decidit colaborar damb Proactiva. En concrèt, a fabricat uns dròns que poderàn recórrer diferenti airaus dera Mediterranèa e localizar abans es embarcacions. Gràcies as dròns, se pòt susvelhar un airau dera mar mès grana, pendent mès ores e de forma mès rapida.

Aguesti dròns pòden detectar embarcacions e personas mejançant sensors termics. Quan les detèctèn, envien es imatges tath vaishèth, des d'a on se planifique eth rescat. Ath delà, quan comence a agotar-se-li era bateria, eth dròn ei capable de tornar tath vaishèth e aterrar tot solet. Eth trebalh conjunt de Proactiva e Hemav ajudarà a redusir eth nombre de mòrts e desapareishudi ena Mediterranèa.



A qué se dedique Proactiva Open Arms? | Com pòden ajudar es dròns a hèr rescats? | En quini auti prètzhèts penses que pòt èster util un dròn?



▲ Es dròns pòden detectar es barques damb sensors termics



ERA DARRÈRA DONACION DE JAMES HARRISON

Quan auie 14 ans, James Harrison patie un accident fòrça grèu. Mentre l'operauen, li aueren de hèr 13 transfusions de sang. Gràcies as mètgues e as transfusions, pòdec sauvar era vida. E decidic que, quan siguesse gran, tanben darie sang tà ajudar a d'aites persones.

Alavetz, descobriren qu'eth sòn tipe de sang ère especiau, bric comuna. A viatges, era sang d'ua mair e era deth mainatjon que pòrte en vrente son diferents. Açò pòt portar problèmas e pòt arribar a hèr a morir ara creatura. Mès resultèt qu'eth tipe de sang de James Harrison servie tà fabricar ua vacuna que se met as mairs d'aquesti mainatjons entà sauvar-les.

Per açò, James Harrison, qu'ara a 81 ans, a dat sang un còp cada dues setmanes pendent tota era vida. Mès de dus milions de mainatjons an neishut sans gràcies ada eth. En Austràlia, eth sòn país, era gent d'aquesta edat ja non ne pòt continuar dant, atau qu'acabe de hèr era darrèra donacion. Li an premanit ua petita hèsta e an vengut a veder-lo quauqu'uns des mainatges qu'a ajudat a sauvar.



▲ James Harrison damb un mainatge qu'ajudèt a sauvar

transfusion: hèt de mèter sang d'ua persona a ua auta.

comun: abituan, freqüent, que passe soent.



Perqué ei importanta era sang de James Harrison? | Perqué ja non darà mès sang? | S'ac pòs hèr, daràs sang quan seràs gran? Perqué?



FESTIVAU DE CANAS

Eth festivau mès glamurós deth cinema a arribat ena 71au edicion



Pendent tretze dies s'a celebrat eth 71au Festivau de Canas, era hèsta cinematografica mès prestigiosa d'Euròpa. Canas, ua ciutat deth sud de França, s'a convertit ena mèca deth cinema mondiau, e i an anat actores, actors, directors, productors, entre d'aiti.

En aquest festivau s'autregen diferents prèmis: ath milhor guion, ara milhor interpretacion femenina e masculina, ath milhor director... Enguan cau destacar era Palma d'Aur qu'a rebut era pellicula deth director japonés Hirokazu Kore-eda, atau coma era Palma d'Aur especiau qu'an autreat ath director francés Jean Luc Godard. S'a hèt aumenatge, donques, ath cinema d'autor, mès experimentau e de denòncia social.

Tanpòc non i an mancat es reivindicacions, ja que 82 hemnes deth sector deth cinema an reclamat sus eth tapís vermelh mès igualtat e seguretat. De hèt, enes 70 ans d'istòria deth concors, sonque s'a premiat a ua hemna. Per ua auta part, eth nombre 82 non ei casuau. Se referís ath nombre de pellicules dirigides per hemnes qu'an estat seleccionades tà guanyar un prèmi, a diferéncia des mès de 1.600 dirigides per òmes.



Qué ei eth Festivau de Canas? | I a agut bèra reivindicacion? Quines mesures se poderien préner tà que i auesse mès igualtat entre òmes e hemnes en mon deth cinema?

glamurós: qu'a glamor, que provòc que admiracion.



▲ Eth director japonés Hirokazu Kore-Eda recuelhent era Palma d'Aur deth festivau

mèca: centre mès important.

d'autor: que non seguis es gusti comerciaus e que se caracterize per idees mès lèu personaus.



concors: competicion.



JUGUEM!

Laberint

Dibuixa el camí de l'1 al 100 passant per tots els nombres.

12	11	8	7					44	45
13	10	9	6				42	43	46
14	15	16	5				41	40	47
21	20	17	4	1	36	37	38	39	48
22	19	18	3	2	35	58	57	50	49
23	30	31	32	33	34	59	56	51	52
24	29	28	87	86	85	60	55	54	53
25	26	27	88	83	84	61	62	65	66
94	93	90	89	82	81	80	63	64	67
95	92	91				79	78	77	68
96	99	100				74	75	76	69
97	98					73	72	71	70

Anagrames

Troba una paraula amb sentit canviant l'ordre de les lletres.

pare:..... boda:.....
 escola:..... fulla:.....
 rèptil:..... andreu:.....
 triangle:..... porta:.....

Cubs

Troba quin és el cub del dibuix de l'esquerra.




Troba les 10 diferències



Hèxagon màgic

Completa els espais amb nombres de manera que, tant en vertical com en diagonal, sumin 38.



el tricicle

Aprenentatge significatiu i vivencial

el tricicle

Una publicació de:

Tracte Comunicació Global
 Passeig Bertrand, 25, 2a
 08980 Sant Feliu de Llobregat (BCN)
 Tel. 619 787 788 - 93 782 45 13
 eltricicle.cat
 eltricicle@eltricicle.cat

el tricycle

Setmanari per a nens i nenes

Una publicació de:


Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 100

Laberint

Dibuixa el camí de l'1 al 100 passant per tots els nombres.



Anagrames

Troba una paraula amb sentit canviant l'ordre de les lletres.

pare: pera

boda: adob

escola: escaló

fulla: llufa

rèptil: triple


andreu: duaner

triangle: integral

porta: tropa

Cubs

Troba quin és el cub del dibuix de l'esquerra.



Troba les 10 diferències



Hèxagon màgic

Completa els espais amb nombres de manera que, tant en vertical com en diagonal, sumin 38.

